

# Pauloli Timotilok yout-kundit dama youliminguk

## E-dakle Manda

Pauloli Timotili nandi-kiliktiinjiat Efeso it kwelan kuḡgiliḡ win yambi-dikḡeuktok wandiḡ bimbi, pakap, Timoti en nitek kuuktok timbi kikesik-mindi nitek kuneliḡdok wolok kandaḡ yout-kundit ḡin youpi kimilimimbi, e-dikḡe manda ḡandin kimit-semguk:

1:3-20 Timotili e-daut manda julunjuluḡ e-sapakḡeaḡ ba damasiḡok kasat

tok plon nainji bianḡ windiḡ nombo tiniḡdok e-dikḡe ti-semlok

2:1-3:16 nandi-kiliktiinjiatti kikesikmindok ḡinaḡ nitek kulok

4:1-16 Timotili enlok kuḡgun ka-wili-dikḡelok timbi e-daut manda dindim e-daut tilok

5:1-6:2 nandi-kiliktiinjiatti kikesikmindok ḡinaḡ nosii nitek ti-semlok

6:3-21c Timotili e-daut manda dindim wolok tuop kulok timbi Paulolok e-dikḡe manda kimit-kleuktok

## 1

<sup>1</sup>Kunum Yambat nindok Niḡpma Tiketikenni ḡit Kristo Yesu nandi-gembilambi mandi-pakamiḡ endok e-dikḡe mandanjettok tuop nak Paulo Kristo Yesulok en-mumulin ama kuletti manda ḡin youpi, <sup>2</sup>dik Timoti nandi-kiliktiḡgala timbi nokok niḡaḡna sinik dikḡoḡ kimit-gambi, ḡindiḡ we-gamlet:

Bep Yambat ḡit Kristo Yesu nindok Wopumni endok ḡinaḡ kindem, busuk mamasa ḡit busuk bisikḡat wali pat-gamun.

## E-daut manda julunjuluḡ e-sapakḡeaḡdi manda win bimbilok

<sup>3</sup>Nak Masedonia provins ḡaupi tiḡgut nain wolonda nak dik nitek timbeḡdok ḡiḡḡinengan gangut windiḡgangot nain ḡolonda bo timbeḡdok ganlet:

dik ama e-daut manda julunjuluŋ pa e-sapakŋeaŋ enda e-dikŋe ti-semeŋdok Efeso it kwelan gamaŋ yousim kuukaŋ, win endi manda win bimbi, nombo nim e-daut tineliŋdok <sup>4</sup> timbi damasilok kasat kusei kusei git endok kotsi sambat teletelen nimnat wandin wolok plon nainji silak nim bimbilok. Nekta, manda wandin wali Kunum Yambatti nandi-kiliktilok telak kimikuk win nim kasopmembali, tambo wali e-kle-kot bien nimnat tlal win pa timbi indalak. <sup>5</sup> Gan nindi amatamdi ginaŋ siloŋ tineliŋdok eu-dikŋe manda e-daut ti-semamiŋ, win endi Kunum Yambattok dainan dindim kuaŋ windiŋ nandi-daklembi, Kristolok telak [win] juluŋ no nimnat nandi-kwambiŋdanipi, ginaŋji jamilan sinikti ginaŋ siloŋ tinekaliŋ. <sup>6</sup> Gan ama diwindi timbi kama-laumbi, e-daut manda biangan tilak walinin e-kle-kot manda tlal bien nimnat wolok plon loŋgiliŋ. <sup>7</sup> Win endi e-dikŋe manda Moseslok kiinan nanin kasi-leŋgimiŋ win e-daut tineliŋdok nandi-galktaŋ, ganmek nepek nek pa eaŋ ba giŋginengan e-daut pa taŋ win enisi nim nandi-dakleaŋ.

<sup>8</sup> Gan nindila nandi-dakleamiŋ win tikap amali e-dikŋe manda wolok kusei win dindim gan e-daut pa taŋda, manda wali bien kindem timbi indalak. <sup>9</sup> Timbi e-dikŋe manda win amatam dindim kuaŋ win ep ti-dindimeuktok nim kimikimilin windiŋ bo nandi-dakleamiŋ. Tambo win amatam ŋandin-silok kimit-semum patak: endi e-dikŋe manda kak kle-kopi, piŋdangan gimbit balep pa taŋ, endi Kunum Yambatta sasaengan ti-ŋimimbi, yom ti-ta-kuaŋ, endi ginaŋ nanandinji Kunum Yambattok bi-ŋimineliŋdok kinjan wali kwelalok nepenepek walaŋgot pat-semalak, endi meŋji bepsi ba ama diwin no yandiŋ kim pa taŋ, <sup>10</sup> endi telak no ba no plon wapatam kuŋguluk telak win joŋgo pa kuaŋ ba Sodom ama nomik ti-mipmile pa taŋ, endi amatam kumbu epbi, yapilim tuaneliŋdok pa taŋ, endi e-kuyuk manda pa eaŋ, manda biangan eneliŋdok julungan e-kwambiŋdan, ba e-daut manda dindimli ep tindiŋ no ba no nim tineŋdok kimit-sip ti-nimlak ep tindiŋ wandin win pa taŋ. <sup>11</sup> Nindi e-daut dindim manda eamiŋ wali giŋgit manda kindem Kunum Yambat gwilam molomdok kuseili nokok kitnanan kimikuk win kimit-klembi, endok kusei pama walalannat win timbi inda-daklelak.

### **Pauloli Yesu Kristolok busuk mamasala simbat kindemda manda ninguk**

<sup>12</sup> Wopumni Kristo Yesu pangembila ti-namguk endi nak ama kena tikekwambingdalok windiŋ nandimbi, enlok kenan timbettok nak nanbi telegukta timbi nak simbat kindemda manda nilet. <sup>13</sup> Win nak damangan endok koi timba kolaumbi, endok sambalii ep timba kolanelindok ep kle-gingimembi, samakgan ti-piŋpiŋe ti-semgut, gan endi wandingan embi, busuk mamasa ti-namguk, nekta, nak endok kusal nim nandi-daklembi, nim nandi-kilikti ti-ŋimingukta timbi windiŋ tingut. <sup>14</sup> Timbi nindok Wopumni Kristo Yesulok siloŋ tambongan wali tokŋe-nam map pinembi, engit gal-pakaŋda nandi-kilikti git ginaŋ siloŋ pat-semalak win namguk.

<sup>15</sup> Manda no biangan tilak, timbi ginaŋ tipet nimnat nandi-dasilok tuop tilak win ŋindiŋ: Kristo Yesuli yom ama yomjilok kinjannan nanin epma tikeuktok kwela ama indanguk. Timbi yom tindilok kandaŋ nak natnala nandiwam ama diwin no gitik yapma klembi, dama sinik tilak. <sup>16</sup> Gan kusei wala sinik timbi Kristo Yesuli nak yom ama dama sinik naka busuk mamasa ti-namguk. Nekta, endi enlok mamasanin tokjetokŋen win timbi indadakleuktok nandimbi, amatam en nandi-kilikti ti-ŋimimbi, kuŋgu papat kwambiŋ kasilenekaliŋ enda daut semguk win endi yom ama dama sinik naka mamasa ti-namguk windiŋgangot enda bo kindem mamasa ti-semekak.

<sup>17</sup> Windiŋda timbi Kunum Yambatti nain teletelen nimnat kot giŋgit git nindok /ni-ta-loni/ni-loloŋeni/ tikeun! Endi Ama Wapmaŋ papat kwambiŋ nindok dautninan sembin patak, kimkim nimnat molom, Yambat biangan noŋgan sinik en wakan. Win biangan.

### **Timotili Paulolok e-dikŋe mandan win kimit-kleuktok**

<sup>18</sup> Ale, Timoti, nokok niŋaŋna, profet manda dikok plon nain lap kandaŋ een wolok tuopgan nak e-daut ama julunjuluŋ wolok kandaŋ eu-dikŋe manda et win ganlet. Timbi profet manda wali dik mik kindem ti-sembi, yandiŋ piuŋdok gep timbi gembilawin. <sup>19</sup> Timbi windiŋ timbeŋdok dik nandi-kiliktiŋga wakŋit ep tindiŋ dindim siniktok nandiŋaŋ win tike-

kwambijndambi ti-ta-ŋaukaŋ. Nekta, amatam diwindi nek ŋali dindim siniktok nandiŋgiliŋ win nandi-kimkimneŋgiliŋda timbi endok nandi-kiliktiŋji timbi kola-siniktaŋguk. <sup>20</sup> Endoŋnan nanin tiŋpet win Himeneus giŋ Aleksande. Nak nandi-kiliktiŋjiat endoŋnan nanin ep kle-kopi, endi Satandok giŋgiŋ kundemiktok yapikut, win endok giŋaŋ nanandiŋjet tombimbi, endi e-daut mandanjet moyenli Kunum Yambatta nombo nim ni-tike-pi-yalindemiktok.

## 2

### **Nandi-kiliktiŋjiatti kikesikmindok kimin giŋaŋ nitok tilok**

<sup>1</sup> Ale, nak nandi-kiliktiŋjiat nitok tineliŋdok giŋgiŋengan elet wolok kandaŋ nepek no nepek diwin no maklembi, dama sinik win ŋindiŋ: endi amatam gitikta timbi Kunum Yambatta kiti-nandi ti-ŋimimbi, nimolo ti-sembi, ep timbi paŋgittauktok giŋgiŋengan ni-nandiŋlok, timbi simba kindemda manda ni-ta-kulok. <sup>2</sup> Timbi nindi nepek gitiktok kandaŋ Kunum Yambat kimit-kle-kiliŋembi, kuŋgu dindim miŋlap nimnat busukŋanengan kuneŋdok ama wapmaŋ ba ka-wili-dikŋe ama diwin nola bo nimolonili ep kasopmelok. <sup>3</sup> Amatam gitikta nimolo ti-semsem wandin wali kindem sinik, timbi Kunum Yambat nindok Niŋma Tiketikenni endok dainan tuop tilak, <sup>4</sup> nekta, endi amatam gitik kolaŋjilok kinjannan nanin epma tikeumbi, endi giŋgiŋ manda biaŋgan tilak win nandi-daklembi, nandi-dasinelidok nandi-semŋlak. <sup>5</sup> Win Yambat biaŋgan noŋgangot patak, timbi en giŋ amatamdok boŋgipsinan ama boŋgip noŋgangot patak, win Kristo Yesu ama sinik indaŋguk en wakan. <sup>6</sup> Endi amatam gitik endok kolaŋjilok kinjannan nanin epmi tua-kleuktok enlok kuŋguŋin biŋguk, timbi telak wolok plon nain kimikimilinnan gembu ikuk win Kunum Yambatti yapma epmeŋtok nandi-galktalak. <sup>7</sup> Kusei wala timbi endi nak en-mumulin ama kuuttok nep nanbi teleumbi, nak amatam Judalok sambat nim enda giŋgiŋ manda kindem en-saktambi, nandi-kilikti biaŋgan sinik win eni-daut ti-semettok nan-mukuk. Nak biaŋgan elet, julungan nim.

<sup>8</sup> Widiŋda timbi amatamdi kwet tuop Kunum Yambatta ni-wowon tine-

liṅdok kimin taṅ wolonda nak ama kuṅgunji Kunum Yambatta bi-ṅimi-telembi, ḡinaṅ gimbitsi ba e-taṅanji ip timbi teleṅgiliṅ endi kisi tike-lombi, nimolo tineliṅdok nandi-semlet. <sup>9</sup>Timbi tamdok kandaṅ nak ṅindiṅ elet: endi dasindasi amatam diwin nolok dautsinan tuop tilak timbi ama noli wala nandi-kola nim tineliṅ dasindasi wandin win dasineliṅdok nandi-semlet, timbi dei-galgalkṅe tineliṅdok endi kumbanji sak ti-kundikundit nim tindi-lok, ba pama gollitindiṅ ba kokom ba dasindasi tuan wopum wandin win nim dasindasilok. <sup>10</sup>Tambo endi ep tindiṅji kindemli dei-galgalkṅe wandin ti-ta-kulok, win tamdi indangan Kunum Yambat kimit-kleneliṅdok e-gembi-laṅ endok tuop ti-semalak wandin.

<sup>11</sup>Timbi tamdi kikesikmindok kiminji ḡinaṅ manji masipbi, pawa kimit-nandi timbi, e-taṅan nimnat e-daut manda nandimbi nandi-dasilok. <sup>12</sup>Win nak endi Kunum Yambattok mandan amala eni-daut ti-semneliṅdok ba ama yambi-wili-dikṅelok gembi wali pat-semektok nim nandi-tele-semlet, tambo endi gitakan papi, manda nandinandilok. <sup>13</sup>Win kusei ṅindiṅda: Kunum Yambatti Adam dama timbi indaumbi, siṅgi kandaṅ Iv timbi indaṅguk. <sup>14</sup>Timbi Satandi Adamda julujit nim ti-ṅimiṅguk, tambo endi tamda julujit ti-ṅimiṅguk, timbi endi Kunum Yambattok mandan wikuk. <sup>15</sup>Ganmek tikap tamdi gwaṅgwa bisat yanṅgilepi, nandi-kilikti git ḡinaṅ siloṅ timbi, kuṅgu Kunum Yambattok dainan tuop ti-ṅimilak timbi ama noli wala nandi-kola nim tineliṅ kuṅgu wandin win kimit-kle-ta-kunekaliṅda, Kunum Yambatti epma tikeukak.

### 3

#### **Kikesikmindok ka-dikṅeli nitok kulok**

<sup>1</sup>Manda ḡali bianṅan tilak: tikap ama noli kikesikmindok ka-dikṅe ama indambi kuuktok gembi kotakta, endi kena lolonṅ timbektok nandi-galktalak. <sup>2</sup>Windiṅda timbi kikesikmindok ka-dikṅe amali nimbek noli kusei no ba nola timbi enda ni-pi tineliṅdok tuop nim windiṅ kulok. Win endi taminiṅ noṅgangot tike-kwambiṅdalok, enlok nandi-galkṅin git kuṅguṅin ka-wili-

dikjelok, amatamdi endok kunjgunla nandum kindemdalak windiŋ kulok, ama yok enda not ti-sembi yambi-dikjelok, timbi endi e-daut kenan win kindem timbektok tuop tilok. <sup>3</sup> Endi tuk kwambiŋ asup nana molom nim, ba ama piŋpiŋen ba e-taŋa molom nim, tambo endi busuk molom, timbi endi minem kwilikwilila ti-kimbikimbiŋee molom nim. <sup>4</sup> Timbi endok gwaŋgwa bisaliili enda giŋgiŋgan ti-ŋimimbi, endok man mandan nepek gitiktok kandaŋ taŋgoneneliŋdok endi enlok il giŋaŋ kuaŋ win kindem yanangipi yambi-dikjelok. <sup>5</sup> Nekta, tikap ama noli enlok il giŋaŋ kuaŋ win nitek yanangipi yambi-dikjeuktok win nim nandi-daklelakta, endi Kunum Yambat-tok kikesikmin win nitek yambi-dikjeuk? <sup>6</sup> Timbi ama kombitgan kikesikmin yousiŋguk endi kikesikmindok ka-dikje ama nim indalok. Nekta, ama kombilin wandin wali gumaŋ samasamat ti-siniktambi, samasamatŋinlok tuan ombi-tikeuk, win Kolan Molomdi ombi-tikeŋguk wandin. <sup>7</sup> Timbi wingot nim. Nandi-kiliktiŋji nimnat endila bo kikesikmindok ka-dikje amala nandum kindemdalok. Nekta, nim kaŋbi endi ni-pi timbimbi, Kolan Molomdok sisoy giŋaŋ pi-piuk.

### **Nandi-kiliktiŋjiattok ti-plaplapti nitek kulok**

<sup>8</sup> Kikesikmindok ti-plaplape ama endi bo windiŋgangot ama kindem, win amatamdi enda giŋgiŋgan ti-semneliŋdok tuop taŋ ama wandin kulok, ama mambemji tipet wandin nim, ba wain tuk asup nanalok molom nim, ba minem kwilikwili julungan kasilekasilela ti-kimbikimbiŋ taŋ wandin nim. <sup>9</sup> Endi nandi-kiliktilok telak pat-sembin papi timbi inda-daklen win giŋaŋ nanandiŋji jamilan sinikti tike-kwambiŋdambi kimit-klelok. <sup>10</sup> Timbi kikesikmindi endok kusasi win dama timbi inda-dakleneliŋdok, timbi tikap ama noli endok plon kusei nola timbi mandali e-yout ti-semneliŋdok tuop nimda, kindem ti-plaplae ama kuneliŋdok nandi-tele-semnekalŋ. <sup>11</sup> Timbi tam <sup>a</sup> endila bo tam kindem, win amatamdi enda giŋgiŋgan ti-semneliŋdok

---

<sup>a</sup>3:11 Pauloli ti-plaplape amalok tamjii ba ti-plaplape tamdok plon e-yout tilak/ tiŋguk win nim timbi inda-dakleŋguk.

tuop taŋ tam walan wandin kulok, endi e-kola molom nim, tambo endi nisi-lok nandi-galksi win ka-wili-dikjeaŋ, timbi nepek gitiktok kandaŋ nandi-gembilalok tuop. <sup>12</sup> Timbi kikesikmindok ti-plaplape amali tamji nonŋangot tike-kwambiŋdalok, timbi gwaŋgwanji bisat git amatam diwin no endok itsi ginaŋ kuaŋ win kindem yanaŋgi pi yambi-dikjelok. <sup>13</sup> Nekta, tikap ti-plaplape amali kenanji ti-kindemdaŋda, endi kot giŋgit kindem tikeaŋ, timbi Kristo Yesu nandi-kilikti tindilok telak plon bo endi e-samakta-sinik tine-liŋdok tuop taŋ.

<sup>14</sup> Nak kombitgan ŋa gambettok nandi-gembilambi mandi-patet, ganmek kikesikmindok kandaŋ eu-dikje manda win yout-gamit, <sup>15</sup> win tikap nak nain yousiwam ombaptaukta, manda youtet wali gep timbi paŋgittaumbi, dik amatamdi Kunum Yambattok sambaliilok bongipsinan nitek kulok win nandi-dakleukaŋ. Nekta, nandi-kiliktinjiat endi Kunum Yambat kuŋgu molomdok kikesikmin, timbi endok giŋgit manda kindem biaŋgan sinik win ta paŋgembila wandin kasop pa taŋ. <sup>16</sup> Timbi Kunum Yambat kimit-kleklelok telak kandaŋ endok nandi-sambal pat-sembin inda-dakleŋguk wali engano, lolon sinik, nindi wala ginaŋ tipet tineŋdok tuop nim. Win ŋindiŋ:

Endi kwelan ama piŋgiuat wandin indaŋguk,  
 timbi Dindim Woŋdi endok kusal sisinik win timbi inda-dakleŋguk.  
 Eŋaloli en kaŋgiliŋ,  
 timbi amali endok giŋgit win sambat no nasila en-sapakŋeŋgiliŋ.  
 Kwelan kuaŋdi en nandi-kilikti ti-ŋimiŋgiliŋ,  
 timbi Kunum Yambatti en enlok nulunulun ginaŋ tike lonŋuk.

## 4

### **Timotili enlok kuŋgun ka-wili-dikjembali, e-daut manda dindim e-daut tilok**

<sup>1</sup> Ale, Kunum Yambattok Woŋinli ŋindiŋ eu inda-daklelak: Kristoli gama nim pi tomŋilimbi, amatam diwindi nandi-kiliktinji dindim win bi-sinikta-nekaliŋ, win endi yal julunjulundok wakıt e-daut manda julungan yal kolan-silonnan nanin win ep kimit-klenekaliŋ. <sup>2</sup> E-daut manda julungan wandin

eaŋ endok ginaŋ nanandinjiŋli dalandaŋgukta timbi endi nek ŋali kindem ba kolan sinik win bo ka-nandi-dakleneliŋdok tuop nombo nim, timbi endi manda biangan eelok walan julungan timbi, <sup>3</sup> e-daut manda ŋandin pa eaŋ, “Sindi wapa tam nim tinekaliŋ” ba “Nanaŋ win ba win nim nanekaliŋ.” Gan nanaŋ win wakan Kunum Yambat en ep timbi indaumbi, nandi-kiliktiniat nek ŋali biangan sinik win nandi-dakleamiŋ nindi nanaŋ win simba kindemda manda plon kasilembi nanediŋdok kimit-nimguk. <sup>4</sup> Nekta, Kunum Yambatti nepek ep timbi indaŋguk wali gitik kindem sinik, wala timbi nindi nanaŋ diwinda siŋgi wiwit nim tindilok, tambo nindi wala simba kindemda manda nimbi kasilembi, ep na tineŋdok, <sup>5</sup> nekta, Kunum Yambat enlok mandan wakitiŋ dok nimoloni wali nanaŋ win timbimbi, endok dainan tuop tilak.

<sup>6</sup> Ale, dik nepek win nindok notnii nandi-kiliktiniŋjiat enda eni-daut ti-semekaŋda, dik Kristo Yesulok kena ama kindem wandin, timbi giŋgit manda kindem nandi-kwambiŋdaminiŋ wakitiŋ e-daut manda dindim kimit-kle-ta-bilaŋ wali nanaŋ tuk nomik gep towi gembilalak. <sup>7</sup> Dik damasilok plon kwelalok kasat kaman pa taŋ win gitik siŋgi wilimekaŋ. Timbi telak Kunum Yambattok dainan tuop tilak win kimit-kle-siniktaunŋdok ginaŋ nanandiŋga ka-wili-dikŋe ti-ta-kuukaŋ. <sup>8</sup> Nekta, tikap amali piŋgiu timbi gembilauktok gembu kotakta, wali bien diwin timbi inda-ŋimilak, gan tikap endi telak Kunum Yambattok dainan tuop tilak win kimit-kleuktok gembu kotakta, wali nepek gitiktok kandaŋ kwelan ŋolok wakitiŋ kunum ginaŋ bien kindem timbi inda-ŋimektok ni-kwambiŋdalak. <sup>9</sup> Manda wali biangan tilak, timbi amatam gitiktiŋ win nandi-dasineliniŋdok tuop tilak. <sup>10</sup> Win kusei wala timbi nindi kena meŋ timbi, gembu kokamiŋ. Nekta, nindi Kunum Yambat kuŋgu molom, win amatam gitik endok Epma Tiketikenji timbi nandi-kiliktiniat nindi sinik nindok Niŋma Tiketikenni en nandi-gembila-ta-kuamiŋ.

<sup>11</sup> Timoti, nak manda yout-gamit win dik nandi-kiliktiniŋjiatta eni-daut ti-sembi, kimit-kleneliŋdok e-dikŋe ti-semekaŋ, <sup>12</sup> timbi dik ama bien gama nim indalaŋda timbi ama no dika nandum pimbiŋen timbektok nim nandi-



tele-semekaŋ. Tambo manda ee giŋ kundit wakŋt giŋaŋ siŋoŋ tindi giŋ nandi-kilikti tindi ba Kunum Yambattok dainan jamilan sisinik kuŋgulok kandaŋ dik nandi-kiliktiŋjiatta telak daut semekaŋ. <sup>13</sup> Win nak ŋa gambetat tuop dik Kunum Yambattok mandan indaŋgan pinapinattok, paŋgembila tindilok giŋ eni-daut tindilok kuŋguŋga bi-ŋimekaŋ. <sup>14</sup> Timbi telak damalok kiminjiŋ dikok plon kisi kimilimbi, nimbek noli profet ama wandin dikok kandaŋ eu-inda manda eŋguk nain wolonda dik Kunum Yambattok kenan timberdok siŋoŋ kasileŋguŋ win nandi-kamalambi, sila biu pat windiŋ nim timbekaŋ. <sup>15</sup> Tambo dik kenanga nitek tilaŋ wali kindemda-sinik ti-ta-ŋalak wali amataŋ gitikta inda-dakleuktok nak nepek yout-gamiŋ win dik ti-kiliŋe ti-takumbi, kuŋguŋga wolok bi-ŋimekaŋ. <sup>16</sup> Timbi dik nitek kulaŋ giŋ e-daut manda nitein elan win ka-kiliŋembi, windiŋ giŋginengan ti-ta-kuukaŋ. Nekta, tikap dik windiŋ timbekaŋda, Kunum Yambatti dik wakŋt e-daut mandanga nandaŋ sindi gitik enlok sapma tiŋeukak.

## 5

### **Nandi-kiliktiŋjiatti kikesikmindok giŋaŋ nosiila nitek ti-semlok**

<sup>1</sup> Timoti, dik ama biesi nim enombekaŋ, tambo endi dikok bepgai wandin enda en-kilikti ti-semekaŋ, timbi ama gwilatsilok kandaŋ nim gapma kleaŋ enda daka kwayaŋgai wandin ti-semekaŋ. <sup>2</sup> Timbi dik tam biesila meŋgai wandin ti-semekaŋ, timbi tam gwilatsilok kandaŋ nim gapma kleaŋ enda wikai wandin ti-semekaŋ, win telak Kunum Yambattok dainan jamilan sisinik wandin plon.

<sup>3</sup> Dik tam kanjak sisinik, win tam paŋgembilanji nimnat, enda nandum lolon timbimbi, en yambi-dikŋeukaŋ. <sup>4</sup> Gan tikap tam kanjak noli gwaŋgwa bisalii ba lanji palimilakta, endok komblinji endi wakan nisilok sambatsii win yambi-dikŋewit, timbi telak windiŋ plon bep papaŋji giŋ meŋ papsila tambonji ombi-semiŋ. Nekta, Kunum Yambat kimit-klelok kandaŋ wali telak dama sinik kasilelok win wakan, timbi endi wala nandum kindemdalak. <sup>5</sup> Gan tam kanjak sisinik, paŋgembilan nimnat, endila Kunum Yambatta

nandi-gembilambi, tim sandap tuop nimolo ti-ñimimbi, timbi plaptauktok ni-nandi-ta-ñalak. <sup>6</sup> Gan tam kanjak enlok nandi-galkñin win ep kimit-kleuktok kuñgunin bi-ñimilak endila kaik kulak, ganmek kimlok giñgit tilak. <sup>7</sup> Ale, nak tam kanjaktok kandañ eu-dikñe manda youlat win bo dik kikesik-mindi tañgoneneliñdok e-dikñe ti-semekañ, win ama noli enda en-pi gumañ nim tñneliñdok. <sup>8</sup> Gan tikap ama noli enlok sambalii waktu enlok ilan kuañ sinik win nim yambi-dikñe ti-ta-kulakta, endi kundilli nandi-kiliktiñilok telak win siñgi wilimiñguk, timbi ama nandi-kilikti nimnat endok kundil win maklembi, kolan sinik tilak.

<sup>9</sup> Ale, kikesikmindi tam kanjak pañgembilanji nimnat win kasop ti-semañ endok kot sambat giñañ tam kanjak ñandinsiñgot endok kosi youyouttok: endok gwilatsili 60 maklelak, endi wapatsi tike-kwambiñdangiliñ, <sup>10</sup> timbi endi nisilok ep tindiñji kindemla timbi kosi giñgilat sinik, win endi wembe gwañgwa ep towimbi yanangit-kiliñeangiliñ, ba yok ama not ti-sembe, pa yambi-dikñeangiliñ, Kunum Yambattok amatamñji endok kesisi pa wilit-semañgiliñ, ba milap plon pakiliñ pa ep timbi pañgittangiliñ, timbi ep tindiñ kindem kusei kusei tindiñlok kuñgunji bi-semgiliñ.

<sup>11</sup> Gan tam kanjak gama gilik nim tindiñ endok kandañ dik giñginembi, endok kosi kot sambat wolok plon nim youlekañ. Nekta, endok piñgipsilok galksi wali Kristo bineliñdok ep tiañelak, wolonda endi wapat tñneliñdok nandi-galktambi, <sup>12</sup> damañgan windiñ nim tñneliñdok e-kwambiñda mandanji win lapipi, nisila yom plon yapikañ. <sup>13</sup> Timbi wingot nim. Endi kuñjittansi indanekaliñ, win endi it piñbiñ kuñipi, kuñjittansi indambi, siñgi manda e-tike-kumbi, timañji ombap ama diwin nolok nepek wala en-nandi timbi, wolok kandañ nanandi emneliñdok nandiñbi, manda diwin nim eneliñdok win pa eañ. <sup>14</sup> Windiñda timbi nak tam kanjak gama gilik nim tindiñ endi wapat timbi, gwañgwa yapbi, nisilok itsi ba sambatsi yambi-dikñeneliñdok nandi-semlet, win endi kanjik nola bañak no nim emumbi, endi kikesikmin ninda nini-kolaneliñdok. <sup>15</sup> Nekta, endoñnan nanin diwin endi ikan kama-lambi, telak dindiñ bimbi, Satan kimit-klembi kuañ.

<sup>16</sup> Ale, kikesikmindi tam kanjak sisinik, win tam pangembilanji nimnat ti-lonjilonji ti-ta-kuan win wakan kasop ti-semnelindok kandaŋ njindij tilok: tikap tam nandi-kiliktinat noli nolii wapatsi sembisembin palimilakta, endi wakan tam kanjak win yambi-dikjelok, timbi wolok kandaŋ kikesikminda milap nim emlok.

<sup>17</sup> Kikesikmindok ama biensi telak dama ti-semsem kenanji ti-kilijeŋ endi kot gŋŋgit wakŋt tuanji kasilenelindok tuop windij nandi-sembi ti-semlok, timbi Kunum Yambattok mandan e-sapakŋe ba e-daut kena tinelindok kena meŋ pa taŋ enda sinik windij ti-semlok. <sup>18</sup> Nekta, wolok kandaŋ Kunum Yambattok mandan youyoulin patak wali njindij elak, “Sindi makauk wapai kwilan nanaŋ minjip yali-pangip kena tilak wolok man win nim masiplok.” Timbi manda no win njindij, “Kena amali kenanlok tuan win kasileuktok tuop timbimbi, tuan win mimilok.”

<sup>19</sup> Tikap ama noli kikesikmindok telak dama ama nolok plon kolan nolok kandaŋ mandali e-yout tilakta, dik pawa kimit-nandi nim timbekaŋ. Gan tikap gembŋ iit ama tipet ba tipet git noli telak damali kolan win timbimbi kaŋgŋliŋ windij eaŋda, kindem endok mandanji nandukaŋ. <sup>20</sup> Timbi telak dama diwin noli yom tindila misinelindok dik yom ti-ta-kuan win amatam gitik endok dautsinan enombekaŋ.

<sup>21</sup> Kunum Yambat git Kristo Yesu wakŋt eŋalo ikan ep kasilekasilen endok dautsinan nak dik njindij timbeŋdok e-dikŋe ti-gamlet: nak eu-dikŋe manda yout-gamlet win kimit-kleuŋdok kandaŋ ama noli dikok daukanan ama no makleuk windij nim, win dik amatam gitik tuop nonŋan ti-semekaŋ. <sup>22</sup> Timbi tikap ama nolok kusei nitein win gama nim inda-daklelakta, dik en telak dama ama mambi iittok nim yoptambi, gwilamdok kika endok plon nim kimilekaŋ. Nim kaŋbi, endok yominlok milapti dikok plon louk, wala timbi tambo Timoti dik nepek gitiktok kandaŋ yom nimnat, jamilan sinik wandin kuukaŋ.

<sup>23</sup> Timbi dik minjipgala timbi nain asup jimbat nandilaŋda timbi tuk silanin wingot nombo nim nembekaŋ, tambo dik wain tuk lakat na-ta-loukaŋ.

<sup>24</sup> Ama diwindok kosi giŋgit kolandi telak dama ti-semumbi, endok yomji ka-dan tindilok indangan patak, gan ama diwin nolok yomji pat-sembin palimbi, wolok bienli gamamek inda-dakleukak. <sup>25</sup> Timbi ep tindij kindem wolok kandaŋ windiŋgangot, win ep tindij kindem diwindi indangan pakaŋ, timbi indangan nim pakaŋ wali bo pat-sembin pat-ta-ŋaneliŋdok tuop nim.

## 6

<sup>1</sup> Nim kaŋbi, ama noli Kunum Yambat en git nindi e-daut manda eamiŋ wala ni-kolaneliŋ, wala timbi kena wembe gwaŋgwa silanin nandi-kiliktinjiat gitik endi nisilok molomjila nandum endi telak gitiktok plon kot giŋgit mimbi, giŋgiŋgan ti-semneliŋdok tuop taŋ. <sup>2</sup> Timbi nim kaŋbi, kena wembe gwaŋgwa molomji nandi-kiliktinjiat pat-semalak endi molomjili endok nosi nandi-kiliktinjiat wandin sinikta timbi giŋgiŋgan nombo nim ti-semaŋ. Tambo endi ep kimit-kle-siniktaneliŋdok, nekta, molomji endok kenaniŋ kindemlok bien kasilean endi nandi-kiliktinjiat timbi ginaŋ siloŋ ti-semsemlok tuop.

Timoti, dik eu-dikŋe manda yout-gamiŋ win en-daut ti-sembi, kimit-klene-ŋdok giŋginengan eni-kilikti timbekaŋ.

### **Timotili e-daut manda dindim wolok tuop kumbi, Paulolok e-dikŋe mandan kimit-kleuktok**

<sup>3</sup> Tikap ama noli eu-dikŋe manda no e-daut timbi, nindok Wopumni Yesu Kristolok mandan dindim waktu e-daut manda kuŋgu Kunum Yambattok dainan tuop tilak win kasop tilak manda wala nandum tuop sinik nim tilakta, <sup>4</sup> endi joŋgo enla nandum lolon sinik timbimbi, nepek no nim nandi-daklelak. Tambo endi e-taŋan tindilok timbi manda diwindok kusasilok plon e-kle-kot timbektok nandi-galk moyen tilak. Wali amatam ep timbimbi, endi ka-gimbit git e-taŋa-tambit taŋ, e-kola manda eaŋ, nandi-bendi kolan taŋ, <sup>5</sup> timbi nain tuop e-taŋan timbi, windiŋ pa taŋ. Nekta, endok ginaŋ nanandinji kolaŋguk, timbi endi nek ŋali biangan sinik win nombo nim ka-nandi-

daklembi, Kunum Yambattok telak kimit-klekle wali minem kwilikwili timbi inda-semektok julungan pa nandaŋ.

<sup>6</sup>Timbi biangan ŋak, tikap nindi Kunum Yambat kimit-kleŋipi, nepek pat-nimlak wala nandinam tuop ti-nimlakta, wali bien wopum minem kwilikwili maklelak wandin win timbi inda-nimlak. <sup>7</sup>Nekta, nindi indaŋgimiŋ, nepek no nim mep biŋgimiŋ, timbi sembinekamiŋ wolonda nepek no mep ŋaneŋ-dok tuop nim, <sup>8</sup>wala timbi tikap nanaŋ tuk waktu dasindasi nek pat-nimlakta, nindi nepek wala “tuop ti-nimlak” windiŋ nandilok. <sup>9</sup>Gan minem kwilikwili asup kasilenelidok galk wopum nandaŋ endi wakan ti-kuyuk plon pi-pium-bi, yomjili sisoŋ ti-semumbi, ka-galksi kamen ba ka-galksi ep timbi kola-kolalok wandin wali ep tiaŋembi, ep timbi kola-telenekaliŋ. <sup>10</sup>Nekta, minem kwilikwiliok galk wali kolan kusei kusei gitik wolok kusei. Win galk wali wakan amatam diwin yanaŋgilim kamalambi, endi nandi-kiliktilok telak bimbi, simbat gawat wopum kusei kusei nisila timbi inda-semumbi, simbatsi kimguk.

<sup>11</sup>Gan Kunum Yambattok giŋgit kulaŋ dikta nepek gitik wandin win siŋgi wilimekaŋ, timbi kuŋgu ŋandin kle-gimigimeukaŋ: dik Kunum Yambattok dainan dindim kumbi, ep tindiŋ endok tuop ti-ŋimilak wingot timbi, enda nandi-gembila-siniktaukaŋ. Timbi dikok nokaila giŋaŋ siloŋ ba giŋaŋ busuk ti-sembi, milap bemeŋdok giŋginembi ti-ta-kuukaŋ. <sup>12</sup>Timbi dikok nandi-kiliktiŋga amatam asup gembu ikiliŋ endok dautsinan eu dakleŋguŋ wolonda Kunum Yambatti dik engita papat kwambiŋgan kuŋdok kiti-gamguk, wala timbi dik kuŋgu teletelen nimnat win tike-kwambiŋdambi, amali diknak tilak wandin gembu kopi, nandi-kwambiŋdalaŋ wolok tuop ku-ta-ŋaukaŋ.

<sup>13</sup>Kunum Yambat nepek gitikta kuŋgu emlak en waktu Kristo Yesu Pontius Pilatolok dainan enlok kusei win e-dakleŋguk endok dautsetnan nak ŋindiŋ e-dikŋe ti-gamlet: <sup>14</sup>dik e-dikŋe manda gitik win kolan no nimnat kimit-kleumbi, nimbek noli gan-pi tinelidok tuop nim windiŋ ti-ta-ŋaukaŋ, win nindok Wopumni Yesu Kristoli undane pi tombekak wolok tuop.

<sup>15</sup>Kunum Yambat en wakan win nain kimikimilinnan timbi indaukak. Endi

gwilam molomdok kusei, nepek gitik wolok Ka-wili-dikne sisinik nonngan en wakan, endi ama wapman kuañ endok Ama Wapmanji, timbi wopum kuañ endok Wopumji. <sup>16</sup> En nonngandi kimkim nimnat molom, timbi kunum nulunulun wolok nasangan amali nautok tuop nim wandin kulakta timbi ama noli en nim kangilin ba kanelindok tuop nim. Kot gigit wakit ka-wili-dikelok gembipapat kwambin win enda palimi-ta-nawin. Win biangan.

<sup>17</sup> Ale, dik amatam kwelandok minem kwilikwilinji asup pat-semalak endi ndin tinelindok e-dikne ti-semekañ: endi samakgan nim tinelindok, ba minem kwilikwilili gumañ platikan pailek wala nim nandi-gembilanelindok. Tambo endi Kunum Yambat nindi ku-kindemdambi, ku-silisili tinelindok nepek gitik milapgan timbi inda-nimlak enda wakan nandi-gembilanelindok. <sup>18</sup> Timbi endi ep tindi kindem tinelindok, win ep tindi kindem asup milapgan wandin, timbi endi nepek pat-semalak win nim ep kimbindanelindok, tambo endi silon molom kunelindok. <sup>19</sup> Telak windin plon endi kwelalok nepek wolok kinjan nepek tuan lolon sinik win kunum ginan wisi-kokañ wandin, timbi wali endi gwat kandañ inda-semektok nandañ wolok ta pangembilan papat kwambin wandin. Tikap endi nak youlat wolok tuop tinekalin, endi kungu sisinik win tike-kwambindanekealin.

### **E-teletele manda**

<sup>20</sup> Timbi Timoti, Kunum Yambatti dikok kikanan kenan kimikuk win dik ka-dikne-kilineukan, kwelalok manda bien nimnat wala pawa kimit-nandi nim timbekañ, timbi amali nisilok e-daut mandanjila julungan “nandinandi sisinik” windin kitan, ganmek e-daut manda biangan sinik win tike-pañ, dik endok mandanjila sinji wilekañ. <sup>21</sup> Nekta, ama diwindi nandinandi julungan win nandi-dasimbi eu indangilin, timbi telak windin plon e-daut manda biangan Kristolok plon elak win bingilin.

Kunum Yambattok ginan kindem wali sindi gitikta pat-samun.

# Pauloli Timotilok yout-kundit siŋgi youlimiŋguk

## E-dakle manda

Pauloli yout-kundit asup youpi kimikuk walinin yout-kundit ŋali siŋgi sisinik. Endi it kwambiŋ ginaŋ kimilim papi, Roma nasili gamaŋ wili kimneliŋ windiŋ nandiŋipi, Timotila paŋgembila ti-ŋimimbi ni-kilikti ti-ŋimektok youpi, enlok kuŋguŋinlok plon e-yout timbi, kikesikmin telak dama kena tindilok kandaŋ nanandi miŋguk win ŋindiŋ:

1:1–18 Giŋgit manda kindemla timbi miŋlap bemlok

2:1–15 Nain tuop Yesu Kristola kimit-nandi-ŋimimbi, miŋlap bemi, nim gwasaelok

2:16–26 Kena gwaŋgwa Kunum Yambatta tuop ti-ŋimilak wandin indalok gembu kokottok

3:1-13 Nain miŋlapmat indaukuk wolok ti-paŋgipaŋgilelok

3:14–4:5 Giŋgit manda kindem tike-kwambiŋdambi, e-daut tilok

4:6–22 Siŋgi sinik Pauloli enlok kimkiminlok plon e-yout timbi, Timoti kauktok nandiŋipi, we mandaŋin youkuk.

## 1

<sup>1</sup>Nak Paulo nak ŋakan. Kunum Yambatti Kristo Yesuŋgit gal-pakaŋda kuŋgu kwambiŋ e-kwambiŋdaŋguk wendiŋ e-saktauttok nak endok enmumulin ama kuuttok nep kasile-teleumbi kuletti manda ŋin youpi, <sup>2</sup>Timoti nokok niŋaŋna, walena gim wandin dika kimit-gambi, ŋindiŋ we-gamlet,

Bep Yambat git Wopumni Kristo Yesu endi busuk mamasa git siloŋ tambongan ti-gambi, busuk bisikŋat gamit.

## Pauloli Timotili giŋgit manda kindemla timbi miŋlap bemlok ni-kilikti tiŋguk

<sup>3</sup>Nak ginaŋ nanandina jamilan sinikti bep paŋnai nomik Kunum Yambat kimit-klelet enda tim ba sandap nimolo ti-ŋimilet wolonda Timoti dika timbi

simbat kindemda manda nimbi, biu-dikne nimnat nandi-gambi, <sup>4</sup> nak gambik biŋgut wolonda dik daut tuk tike-piŋuŋ win nandi-siwipi, simbat sasatti tokne-namektok bindambo gambettok nandi-galktalet. <sup>5</sup> Timbi nak dikok nandi-kiliktiŋga juluŋ no nimnat win bo nandi-siwitet, win dikok paka Lois gita meŋga Yunis endi dama Yesu bianŋan nandi-kilikti ti-ŋimŋimik, timbi dik bo windiŋgangot tilaŋ windiŋ nandi-kwambiŋdalet. <sup>6</sup> Windaŋda timbi nak nepek ŋala gan-kaiktalet. Nak dikok kumbaŋga plon kitna kimi-lambi, Kunum Yambatti Dindim Woŋdok siloŋ no gamumbi, kenanŋa tindi-lok pakamlak win slak nim bium palin. Tambo dik win timbi kaiktaumbi wopumdawin. <sup>7</sup> Nekta, Kunum Yambatti Woŋin niŋguk wali nip timbi misi-neŋdok nim. Tambo wali nip timbi paŋgittaumbi, Kunum Yambattok kenan gembinatgan tamiŋ, amatamda ginaŋ siloŋ ti-semamiŋ, timbi kuŋguni kadikne-kiliŋeamiŋ.

<sup>8</sup> Windaŋda timbi dik nitok Wopumnet endok kusailok gembin ilimila ba nak enda timbi it kwambiŋ ginaŋ napilim patet naka timbi nim mayek-taukaŋ. Tambo dik nep yousimbi, giŋgit manda kindemla timbi Kunum Yambattok gembini tuopgan sinik wolok plon nakita milap bembekaŋ. <sup>9</sup> Endi wakan kimkim papat kwambiŋ ginaŋ nanin nipma tikembi, enlokgot giŋgitŋi giŋgi sinik wandin kuneŋdok kiti-niŋguk. Win nindok ep tindiŋni kindemla timbi nim. Tambo endi enlok siloŋ tambongan git nandi-samballa timbi windiŋ tiŋguk. Nekta, endi kunum kwet gama nim ep timbi indaŋlimbi, Kristo Yesulok kenanli siloŋ tambongan ti-nimektok nandi-sambat tiŋguk, <sup>10</sup> timbi kombitmek nindok Nipma Tiketikenni Kristo Yesulok indandinli siloŋ tambongan win timbi inda-dakleŋguk. Win Kristoli kimkimlok gembin timbi tele-siniktanŋuk, timbi endi giŋgit manda kindem eŋguk wali kuŋgu papat kwambiŋ kim nimnat wolok kusal win timbi inda-dakleŋguk.

<sup>11</sup> Timbi giŋgit manda kindem win wakan e-saktauttok ba e-daut timbettok Kristo Yesuli nak en-mumulin ama kuuttok nambi teleumbi, <sup>12</sup> nak kena wala timbi milap ŋandin bemlet, ganmek wala nim mayektalet. Nekta, nak Yesu nandi-kilikti ti-ŋimimbi nandi-gembila-ta-bilet en nandi-sinikta-ŋimi-



let, timbi nandi-kwambiŋdalet win endi undanem pi tombekak wolok tuop giŋgit manda kindem e-saktauttok nokok kitnanan kimikuk manda win kamaiuktok tuop tilak.

<sup>13</sup> Dik e-daut manda dindim sinik win nak ewambi nandiŋguŋ win tike-kwambiŋdambi, telak wandin kimit-kleŋipi eukaŋ. Tiŋipi, Kristo Yesuŋgit gal-pataŋda timbi nandi-kilikti git ginaŋ siloŋ ti-ta-kuukaŋ. <sup>14</sup> Timbi dik Dindim Woŋ nindok ginaŋni ginaŋ kulak endok gembini giŋgit manda kindem dikok kikanan kimilim patak win kamai-kilipeukaŋ.

<sup>15</sup> Dik nandi-telelaŋ win Asia provins ginaŋ nandi-kiliktiŋjat asup sinik, win Figelus git Hemogenes endi bo siŋgi wit-namgiliŋ. <sup>16</sup> Gan Onesiforus endila nim, wala timbi Wopumdi endok ilan kuaŋda ginaŋ kindem ti-semin. Win endi nain asup nep timbi kaiktaŋgut, timbi it kwambiŋ ginaŋ nambi-nambila nim mayektaŋguk, <sup>17</sup> tambo endi Roma it kwet ŋandiŋ bi tomguk, wolonda endi gembu kopi, nep lonji-ta-ŋakap, nep timbi indaŋguk wolok tuop. <sup>18</sup> Windiŋda timbi Wopumdi amatam manda plon yambi-dan timbekak sandap wolonda Onesiforusla ginaŋ kindem ti-ŋimin. Timbi Onesiforusli Efeso it kwelan telak kusei kusei nitek plon plap ti-namguk win ditna nandi-siniktalaŋ.

## 2

### **Nain tuop Yesu Kristola kimit-nandi-ŋimimbi, milap bemi, nim gwasaelok**

<sup>1</sup> Windiŋda timbi, Timoti nokok niŋaŋna wandin, dikta Kristo Yesulok siloŋli paŋgembila ti-gamektok nandi-ŋimekaŋ, <sup>2</sup> timbi nak endok plon gembu iit ama asuptok dausinan e-daut manda ewambi nandiŋguŋ win ama manda win tike-kwambiŋdambi, amatam diwin nola eni-daut ti-semneliŋ-dok tuop taŋ endok kisinan kimilekaŋ.

<sup>3</sup> Timbi Kristo Yesula timbi milap inda-nimlak win dik endok mik ama kindem wandin nakita bemekaŋ. <sup>4</sup> Win dik ama ŋandin kuukaŋ: mik ama kena tilakti enlok telak damaŋinli enda nandum kindemdauktok nandi-ŋimi-

lakta timbi kena diwin nolok plon nainjin nim pa kotak. <sup>5</sup> Timbi tikap amali dik ba nak tindilok eu-dikne mandan win nim kimit-klelakta, endi tuan kasi-leuktok tuop nim. <sup>6</sup> Timbi nanaj kena ginaj kena mej tilak endi wakan kena wolok bien walinin enlok pan tambon win dama sinik kasilelok. <sup>7</sup> Ale, Timoti, tikap dik nak manda ganlet wala nandi-kwinakwinaleukanja, Wopumdi gep timbi pangittaumbi, nepek gitik nandi-dakleukanj.

<sup>8</sup> Dik milap bembendok Yesu Kristo milap bembuk enda nandi-gembilambi nandi-palekanj, Nak gingit manda kindem e-saktalet wolok tuop endi ama wapmaj Devittok komblin, timbi Kunum Yambatti en kimnan nanin timbi milakuk kulak, <sup>9</sup> timbi manda wala sinik timbi nak milap bemambi, kolan tindi ama wandin it kwambij ginaj nep topmum patet. Ganjan ama noli Kunum Yambattok mandan win topmimbi masipnelidok tuop nim. <sup>10</sup> Windijda timbi, win Kunum Yambatti amatam enlok kasilenguk endi bo mandan win nandumbi, Kristo Yesuli epma tikeumbi, endi pipapat pama walalannat teletelen nimnat win nulunulun ginaj kasilenelidok nak milap inda-namlak win gitik bem-ta-kulet. <sup>11</sup> Nekta, manda njindij een wali biangan nandi-kwambijdalok tuop sinik,

“Tikap nindi engita yakan kimgimij wandin sinikta,  
engita yakan kaik bo kunekamij.

<sup>12</sup> Tikap nindi ginginengan milap bem-ta-kuamijda,  
engita yakan ama wapmaj wandin ka-wili-dikne kena tinekamij.  
Tikap nindi enda e-sembi tamijda,  
endi bo ninda e-sembi timbekak.

<sup>13</sup> Tikap nindi en nim tike-kwambijdamijda,  
endimek nitik ti-nimektok enguk win tike-kwambijda-ta-kulak,  
nekta, enlok kusal timbi tikeleuktok tuop nim.”

<sup>14</sup> Dik nain nain amatamdi nak manda youtkamit win nandi-tombi kimit-nandinelidok eni-kaiktaukanj. Timbi Kunum Yambattok koi plon endi mandalok kuseila e-tajan nim tinelidok molo manda kwambij enbekanj. Nekta, e-tajan tindi wandin wali bien kindem nimnat, tambo wali e-tajan

wın nandañ ep timbi kamalaumbi kolanekeleñ. <sup>15</sup> Timbi diñ Kunum Yambatta tuop ti-ñimeñdok gembı kolekañ, wın kena gwañgwa manda bianañ sinik wın dıñdingan e-daut timbi, mayektok kusei no nim palimilak wandin indaukañ.

### **Kena gwañgwa Kunum Yambatta tuop ti-ñimilak wandin indalok gembı kokottok**

<sup>16</sup> Diñ kwelalok e-daut manda bien nimnat wandin wın eañ engita manda nim eukañ, nekta, manda wandin eañdi yousimbi, Kunum Yambattok telak bi-siniktanekeleñ, <sup>17</sup> timbi endok e-daut mandanjili amatam ep timbi kolanekeleñ, wın wanda kwambiñdi sapakjelak wandin. Ama manda wandin eañ endoñnan nanin tiptet wın Himeneus git Filetus, <sup>18</sup> wın endi manda bianañ tilak wın bi-telembi, “Kunum Yambatti kimnan nanin ikan nip timbi milakimij” wıñdiñ e-sapakjeamik, timbi endok mandanjit julujit wali amatam diwindok nandi-kiliktiñji timbi milaptalak. <sup>19</sup> Nalimek, Kunum Yambatti palıngembıla kwambiñ ma kimikimilin wali diñdam patak, timbi wolok plon endok gembın kundit wın ñiñdiñ youyoulin patak, “Wopumdi enlok giñgitñii wın nin sinik wın nandi-telelak,” timbi “Wopum kimit-kleklelok e-dakleañ endi ep tıñdiñji dıñdim nim wın gitik bi-telelok.”

<sup>20</sup> Wın ñiñdiñ: ama wopumdok it gıñañ jawañ kusei kusei patak, wın jawañ gol ba silvali tıñdin wali kena lolon tıñdilok, timbi jawañ komba ba kwet biñemdi tıñdin wali kena pımbiñen tıñdilok. <sup>21</sup> Wopumdok it gıñañ wıñdiñgangot patak. Wıñdiñda timbi tikap ama noli nepek kolan gitik enlok kuñguñin gıñañ nanin ep kle-kopi, en ti-jamilalakta, endi jawañ jamilan sinik wandin indambi, kena lolon tıñdilok tuop tilak, wın Molomdi en enlok kenan tıñdilok giñgiñgan kimipi, enda nandum endi kenanat, timbi endi kena kindem kusei kusei tıñdilok ti-pağittam patak. <sup>22</sup> Wıñdiñda timbi diñ Timotili ama simsilok ka-galk ba nandi-galksi kolan wın siñgi wilimekañ, timbi amatam gıñañji jamilan sinikti Wopumdi ep timbi pağittauktok nimolo ti-ñimañ engita yakan dıñdim kuñgu git nandi-kilikti tıñdi, waktu

ginaŋ siloŋ tindi ba busukŋanengan kuŋgu nepek wandin win kle-gim-gim-eukaŋ.

<sup>23</sup> Timbi dik e-kle-kot manda kamakamaen ba tlal sinik wandin wala pawa kimit-nandi nim timbekaŋ, nekta, manda wali miŋawat pa timbi indalak win dik nandi-telelaŋ. <sup>24</sup> Timbi Wopumdok kenan gwaŋgwali miŋawat nim tindilok. Tambo endi amatam gitikta ginaŋ busuk git mamasa ti-semlok, timbi dindimangan eni-daut ti-semektok tuop timbi, <sup>25</sup> kanjik ti-ŋimaŋ endok nanandinji busukŋanengan ti-dindimelok. Endi windiŋ timbekta, Kunum Yambatti endok kanjikŋiili ginaŋji tambanembi, manda biaŋgan tilak win nandi-dakle-teleuktok nandi-semumbi, <sup>26</sup> endok nanandinji tombimbi, endi Kolan Molomdi ep sisoŋ timbi epmimbi, enlok matanŋon kimit-kleneliŋdok giŋgine-sem-telelak win ka-daklembi, sisoŋ walinin pi ŋaneliŋ bek.

### 3

#### Nain teleteleinnan nain milapmat indaukak

<sup>1</sup> Nain teleteleinnan nain milap ba ti-piŋpiŋennat indaukak win dik nim nandi-kamalaukaŋ. <sup>2</sup> Nekta, amatamdi ginaŋjili nisi waktu minem kwilikwili-la pa kasilenekaŋiŋ. Endi nisila nandum endi amatam diwin no gitik yapma klembi, nisilok siŋinji tike-lombi, nosiila eni-kola pa tinekaŋiŋ. Endi menji bepsilok mandanji wit-ta-kunekaŋiŋ. Endi nepek no ba nola simba kindemda nim pa tinekaŋiŋ, ba wala nim ka-nandum giŋgiŋgan tilak. <sup>3</sup> Endi ama no ginaŋjili nim pa kasilenekaŋiŋ, ba engita manda e-sale nim tinaliŋdok giŋgi-neŋ. Endi e-kola molom, timbi nisilok kuŋgunji ka-wili-dikŋeneliŋdok tuop nim, endi ama piŋpiŋesi, timbi nepek nek ŋali kindem sinik wala nandi-kunjit pa tinekaŋiŋ. <sup>4</sup> Endi not julunji pa tinekaŋiŋ, timbi yoptambi, ku-kama-kamae pa tinekaŋiŋ. Endi kamakamaengan nisila nandum lolon sinik timbimbi, pa sasalenekaŋiŋ, /timi Kunum Yambattok kinjan nisilok nandi-koŋgomjila ginaŋji bi-ŋiminekaliŋ. /timi ginaŋjili Kunum Yambattok kinjan nisilok nandi-koŋgomji kasilenekaŋiŋ/. <sup>5</sup> Timbi endi piŋgipsili Kunum Yambattok telak kimit-kleaŋ walan wandin julunŋan tinekaŋiŋ, ganmek telak

wolok gembınli endok gınanji timbi tambaneuktok nim nandi-tele-ņimi ti-ta-kunekalıņ. Dik ama wandisi wala yambi-misimbi, not nim ti-semekaņ.

<sup>6</sup>Nekta, endoņnan nanin diwindi amatam not julıņit ti-sembi, itsi gınan lombi, tam kamakamaen win sison ti-sembi, yanangilim kamalanekalıņ. Tam wali nisilok yomjila timbi mlaptaņ, timbi nisilok nandi-galksi kolan kusei kusei wali ep tiaņem yanangilimbi, <sup>7</sup>endi nain tuop e-daut manda komblin nandineliņdok nandaņ, ganmek nek űalı biaņgan tilak win kanandi-dakleneliņdok tuop nim. <sup>8</sup>Timbi ama julunjuludok wandin wali manda biaņgan tilak wala ti-kunjit taņ, win suambat ama tıpet koset Janes git Jambres endi damanņan Mosesla ti-kunjit ti-ņimıņgimik wandin. <sup>a</sup>Endok nanandıņjili kengolonda-teleņguk, timbi nandi-kiliktilok kandaņ endi ama tlal. <sup>9</sup>Gan endok kamakamaenji win amatam gitikta inda-dakleukakta timbi endi nain ombapņan amatam julunji ti-semneliņdok tuop nim, win Janes git Jambres enda inda-semguk wandin.

<sup>10</sup>Gan Timoti dikta nambi-nandi-tuat ti-ta-bimbi, nokok kandaņ nandiłaņ win nak e-daut manda nitek eņgut, git nitek kuņgut ba nek timbettok nandiņgut, ba nandi-kilikti git nandi-busuk ba gınan silon tiņgut, timbi mlap giņgıņengan bemgut. <sup>11</sup>Win Antiok, Ikonium git Listra it kwelan amali nep timbi kolaneliņdok nep kle-gımgimembi, piņgip gawat namgilıņ, gan nak mlap inda-namguk win gitik bembambi, Wopumdi walinin napma tikeņguk. <sup>12</sup>Biaņgan űak, amatam Kristo Yesuņgit gal-papi, kuņgu Kunum Yambattok dainan tuop tilak wandin win kuneliņdok nandi-galk timbi kuaņ gitik win amatamdi ep timbi kolaneliņdok ep kle-gımgimenekalıņ. <sup>13</sup>Tıņipi kolan tindi ama git julunji ama endi kola-siniktambi, amatam ep timbi kamalanekalıņ, timbi nimbek noli ama wandin win ep timbi kamalanekalıņ.

**Pauloli Timotili giņgit manda kindem tike-kwambiņdambi, e-daut tindilok ni-kilikti tiņguk**

<sup>14</sup>Gan dikta manda gan-daut ti-gamgamin wali biaņgan tilak windiņ nandi-

---

<sup>a</sup> 3:8 Endok kasat win Kisim Bek 7:11, 22 gınan pinat nandilok.

kwambiṅdambi nandi-dasiṅṅuṅ, manda win wakan nandi-kwambiṅda ti-ta-kuukaṅ. Nekta, dik amatam nitein gan-daut ti-gamgiling win ip nandi-semṅaṅ, <sup>15</sup> timbi Kunum Yambattok mandan youyoulin patak win tip plonnan nanin pinat-nandi ti-ta-bilaṅ. Win manda wali wakan gep timbi paṅgittaumbi, dik Kristo Yesu nandi-kilikti ti-ṅimilaṅda timbi Kunum Yambatti gapma tikelak win ka-nandi-daklelaṅ. <sup>16</sup> Timbi Kunum Yambat en amalok nanandinji ep timbi milalimbi, endi mandan youyoulin patak win gitik youkiling, timbi manda wali kenan biennat, win wali nek ṅali biangan sinik win nini-daut ti-nimbi, nindok nanandini ba ep tindinji kolanda timbi nini-nombimbi, nip ti-dindimembi, dindim kuṅgulok telak win daut ti-nimlak. <sup>17</sup> Win Kunum Yambattok mandan wali endok giṅgitji gitik ep timbi paṅgittaumbi, endi kena kindem kusei kusei gitik tineliṅdok tuop taṅ.

## 4

<sup>1</sup> Kristo Yesuli undane pi tombi, ama wapmaṅ kuṅipi, ama sembisembin bamba gama kaik kuaṅ gitik win manda plon yambi-dan timbi, tuanji ombi-semekak en waktu Kunum Yambat nisettok dautsetnan nak dik ṅindiṅ timbeṅdok giṅginengan ganlet: <sup>2</sup> Dik giṅgit manda biangan tilak win e-sak-taukaṅ, timbi nain wali kena wolok kindem bamba nim, dik wandingan embi, windiṅ timbeṅdok ti-paṅgittam palekaṅ. Timbi dik nandi-busuk wopumnatti amatam eni-daut ti-kilije-ta-kuṅipi, nanandinji ba ep tindinji dindim nim win ep ti-dindimeukaṅ, kolan taṅda eni-nombimbi, kolanji bineliṅdok kwambiṅgan enbekaṅ, timbi dindim kuaṅda en-kilikti timbekaṅ. <sup>3</sup> Nekta, nain no indaukak wolonda amatamdi e-daut manda kindem ba dindim sinik win nandinandila kuṅjittambi, nim tike-dasinekaṅ. Tambo endi nisilok galksi kimit-kleneliṅdok e-daut endok nandi-galksilok tuop manda eni-daut ti-semaṅ wandin win asup sinik en-tiaṅembi, <sup>4</sup> manda biangan win nandinandila pawanji masipbi, kasat moyen bienji nimnat wolok pawanji kimit-nandi tinekaṅ. <sup>5</sup> Gan dikta nain tuop nanandiṅga ba ep tindinṅga win kawili-dikṅe ti-kilijeukaṅ, milap ba piṅgip gawat bemekaṅ, giṅgit manda

kindem win e-saktaukan, timbi Kunum Yambatti kena kimikamguk win gitik timbi tele-siniktaukan.

**Pauloli Wopumdi kimnan nanin apma tikeuktok nandi-gembilanguk**

<sup>6</sup>Natnalok kandaŋ win ŋindiŋ: nokok kwelalok kuŋguna wali wain tuk tapma tindilok yalimilim pilak wandin, win nokok kimkimna nainli ip indaupi tilak. <sup>7</sup>Nekta, amali waŋewaŋet pa taŋ windiŋgan nak Kunum Yambattok kenan timbettok giŋginengan gembu kopi, nokok kenana gitik win timba tele-siniktaumbi, nokok nanandi-kiliktina win tike-kwambiŋdata-bilet. <sup>8</sup>Windiŋda timbi nak kuŋgu dindiŋ Wopumdok tuop ti-ŋimilak win kuŋgutta timbi nain ŋalinin nokok tuannali kunum giŋaŋ pat-namlak, timbi Wopum amatam dindiŋgan yambi-dan tilakti manda plon yambi-dan tindilok nainnan tuan win naka namekak. Timbi nakaŋgot nim. Tambo endi amatam en undane pi tombektok nandi-galktambi, mandi pakaŋ gitik enda bo tuangi ombi-semekak.

<sup>9</sup>Dik gembu kopi, platikan bi nambekaŋ. <sup>10</sup>Nekta, Demasli kwelan kuŋgula giŋaŋli kasilelakta timbi nambik bimbi, Tesalonika it kwelan ŋanguk. Timbi Kresens endi Galesia provins giŋaŋ ŋaumbi, Taitusli Dalmesia distrik giŋaŋ ŋanguk. <sup>11</sup>Win Luka en nonŋandi gama nakita pakamik. Windiŋda timbi Mareko naŋgiŋpi, dikita yakan bindekamik. Nekta, nak kenana tiŋilambi, endi wopumgan nep timbi plaptauktok tuop tilak. <sup>12</sup>Tikikus endila nak Efeso it kwelan ni-mulam ŋanguk.

<sup>13</sup>Ale, dik bimek, nak sauloŋna ombap Troas it kwelan Karpuslok ilan biŋgut waktu nokok pepa kwasatna win gitik mep biukaŋ, /win nak pepa kwasat tongaut gwilapti tindin sinik win wakan ep kasileuttok nandi-galktilet. /bien sinik win pepa kwasat tongaut gwilapti tindin win/.

<sup>14</sup>Aleksande brasli nepek kusei kusei ep timbi inda kena pa tilak endila naka wopumgan kolan ti-namguk, Wopumdi endok ep tindinlok tuop tambonŋin ombi-ŋimekak, <sup>15</sup>gan endi manda e-saktamiŋ wala wopumgan tikunjit tiŋgukta timbi dik bo en ka-kiliŋeukaŋ.

<sup>16</sup> Nak dama sinik nandij manda plon lombi, ka-dan amalok dainan nep kasopmewambi, nep kasopmeneliḡdok ama no nim gembī it-namgiliḡ, tambo endi gitik nambik bi-teleḡgiliḡ, gan wali Kunum Yambattok dainan yom nim inda-semun. <sup>17</sup> Gan nak manda plon ililambi, Wopum en nakita ipi, nep timbi gembīlaumbi, Judalok sambat nim wolok pakiliḡ gitik endi giḡgit manda kindem win nandinelḡdok nak win gitik e-saktauttok tuop tiḡgut. Timbi Wopumdi kimnan nanin nepma tikenguk, win laiondok man giḡḡ nanin wandin. <sup>18</sup> Windiḡda timbi nak nandi-kwambiḡdalet win endi kolan kusei kuseili nep timbi kolauḡtok inda-namlak gitik walinin nepma tikembi, nep kamaium kindem palambi, enlok il kwel kunum giḡḡ patak wandiḡ nanangiliḡm loutat. Windiḡda timbi endi nain teletelen nimnat kot giḡgit tikeun. Win biangan.

### **E-teletele manda**

<sup>19</sup> Diḡ Priska giḡ Akwila waktu amatam Onesiforuslok ilan kuaḡ endi nokok wena enbekaḡ. <sup>20</sup> Erastusli Korin it kwelan yousimbi kuḡguk, timbi Trofimusli jimbat tiḡgukta timbi nak en Miletus it kwelan wiḡḡan palektok biḡgut. <sup>21</sup> Diḡ gembī kopi, platikan bi nambekaḡ. Nim kaḡbi, gwi sasale nandi indambi masip-gamek. Yubulusli giḡ Pudens waktu Linus giḡ Klodia ba nandi-kilikḡtiḡiat diwin no nandij kuaḡ endi gitik we-gamaḡ.

<sup>22</sup> Wopumdi Timoti dikita papi, nandi-kilikḡtiḡiat gitik sinda giḡḡ kindem ti-samun.